



Nezavisna komisija za praćenje uslova boravka u zavodima,
postupanje i poštivanje ljudskih prava lica nad kojima se izvršavaju krivične sankcije
i druge mjere koje je izrekao u krivičnom postupku Sud Bosne i Hercegovine,
strani sudovi za djela predviđena Krivičnim zakonom Bosne i Hercegovine
ili međunarodnim ugovorom čiji je potpisnik Bosna i Hercegovina
ili drugi sud u skladu sa zakonom Bosne i Hercegovine

Broj: 05/6-50-13-27-34-3/18

Sarajevo, 24. 9. 2018.

ZAPISNIK

**34. sjednice Nezavisne komisije za praćenje uslova boravka u zavodima,
postupanje i poštivanje ljudskih prava lica nad kojima se izvršavaju krivične sankcije i
druge mjere koje je izrekao u krivičnom postupku Sud Bosne i Hercegovine, strani
sudovi za djela predviđena Krivičnim zakonom Bosne i Hercegovine ili međunarodnim
ugovorom čija je potpisnica Bosna i Hercegovina ili drugi sud u skladu sa zakonom
Bosne i Hercegovine (u daljnjem tekstu: Nezavisna komisija)**

Sjednica je održana u Sarajevu, 24. 9. 2018, s početkom u 18 sati.

PRISUTNI ČLANOVI NEZAVISNE KOMISIJE: Mile Lasić, predsjednik
Nezavisne komisije, Azra Alajbegović, prva zamjenica predsjednika, Brana Spasojević,
druga zamjenica predsjednika, Aleksandar Faladžić i Vedad Gurda, članovi.

OSTALI PRISUTNI: Ivana Lovrić, koja obavlja poslove sekretara Nezavisne
komisije.

Sjednicu je sazvao Mile Lasić, predsjednik Nezavisne komisije. Nakon što je
konstatirao da postoji kvorum, otvorio je 34. sjednicu.

Prije usvajanja dnevnog reda predsjednik Nezavisne komisije Mile Lasić predložio je
dopunu dnevnog reda pod tačkom 4, podtačka b) Razmatranje predstavke broj: 05/6-50-17-
2135/18 od 24. 9. 2018. i podtačka c) Odgovor na molbu/predstavku broj: 05/6-50-17-
1513/18 od 28. 6. 2018.

Nezavisna komisija jednoglasno je, uz određene izmjene i dopune, usvojila sljedeći

D N E V N I R E D

1. Usvajanje Zapisnika 33. sjednice Nezavisne komisije;
2. Informacija sa sastanka člana Nezavisne komisije sa specijalnim savjetnikom zajedničkog UN-ovog programa za HIV/AIDS (UNAIDS);
3. Informacija o učešću članova Nezavisne komisije u TAIEX misiji stručne procjene u oblasti zatvorskog sistema i prevencije zlostavljanja u Bosni i Hercegovini;
4. Tekuća pitanja:
 - a) Plan aktivnosti za oktobar 2018. godine,
 - b) Razmatranje predstavke broj: 05/6-50-17-2135/18 od 24. 9. 2018,
 - c) Odgovor na molbu/predstavku broj: 05/6-50-17-1513/18 od 28. 6. 2018.

Ad. 1. Usvajanje Zapisnika 33. sjednice Nezavisne komisije

Uz određene izmjene i dopune Zapisnik 33. sjednice Nezavisne komisije jednoglasno je usvojen.

Ad. 2. Informacija sa sastanka člana Nezavisne komisije sa specijalnim savjetnikom zajedničkog UN-ovog programa za HIV/AIDS (UNAIDS)

U uvodu za ovu tačku dnevnog reda predsjednik Nezavisne komisije Mile Lasić naglasio je da je, u skladu s dogovorom s prošle sjednice Alaksandar Faladžić, član Nezavisne komisije, 4. 9. 2018. u prostorijama Pralamentarne skupštine Bosne i Hercegovine održao sastanak sa specijalnim savjetnikom zajedničkog UN-ovog programa za HIV/AIDS (UNAIDS) prof. Michel Kazatchkine i njegovom delegacijom. O ovom sastanku sačinjena je pisana informacija koja je dostavljena svim članovima Nezavisne komisije te otvorio raspravu. Za riječ se javio Aleksandar Faladžić koji je ukratko upoznao ostale članove o ovom sastanku, nakon čega su članovi Nezavisne komisije jednoglasno usvojili Informaciju.

Također, u okviru ove tačke dnevnog reda članovi Nezavisne komisije su, na prijedlog prve zamjenice predsjednika Nezavisne komisije Azre Alajbegović, jednoglasno usvojili sljedeći

ZAKLJUČAK

Nezavisna komisija će u narednom periodu pripremiti edukativni materijal o prenošenju spolno prenosivih bolesti s kojim bi se upoznali svi zatvorenici i pritvorenici prilikom ulaska u kazneno-popravni zavod.

Ad. 3. Informacija o učešću članova Nezavisne komisije u TAIEX misiji stručne procjene u oblasti zatvorskog sistema i prevencije zlostavljanja u Bosni i Hercegovini

U uvodu za ovu tačku dnevnog reda predsjednik Nezavisne komisije Mile Lasić naglasio je da su članovi Nezavisne komisije 24. 9. 2018. u prostorijama Parlamentarne skupštine BiH u okviru TAIEX programa održali sastanak s delegacijom Misije stručne procjene Evropske komisije u oblasti zatvorskog sistema i prevencije zlostavljanja u Bosni i Hercegovini. Prilikom sastanka razgovarano je o načinu rada i djelovanja Nezavisne komisije od njenog uspostavljanja do danas, o mogućnostima saradnje s CPT-om i drugim mehanizmima u BiH koji se bave istom problematikom, o problemu što BiH nema svog predstavnika u CPT-u, o reformi NPM (Nacionalno preventivni mehanizam) kroz izmjene i dopune Zakona o ombudsmenu BiH, o problemu početka rada državnog zatvora i šta je to što Nezavisna komisija može preduzeti po tom pitanju, o izmjenama i dopunama Zakona Bosne i Hercegovine o izvršenju krivičnih sankcija pritvora i drugih mjera, a koji se odnose na državni zatvor, o napretku zatvorskog sistema u BiH u zadnje četiri godine.

Ad. 4. Tekuća pitanja

a) Plan aktivnosti za oktobar 2018. godine

U okviru ove tačke dnevnog reda članovi Nezavisne komisije dogovorili su da će 25. i 26. oktobra 2018. godine obaviti najavljenju posjetu Kazneno-popravnom zavodu Banja Luka. O ovoj posjeti utvrđen je radni nalog.

Također, dogovoreno je da se naredna sjednica Nezavisne komisije održi u Banjoj Luci 25. 10. 2018, u 17 sati.

b) Razmatranje predstavke broj: 05/6-50-17-2135/18 od 24. 9. 2018.

U uvodu u ovu tačku dnevnog reda predsjednik Nezavisne komisije Mile Lasić istakao je da je 23. 9. 2018. na e-mail adresu Nezavisne komisije, a protokolirano u Pisarnici Parlamentarne skupštine BiH 24. 9. 2018, broj: 05/6-50-17-2135/18, pristigao upit/predstavka koja je po prispjeću dostavljena svim članovima Nezavisne komisije te otvorio raspravu. Nakon rasprave i detaljnog razmatranja predstavke, članovi Nezavisne komisije jednoglasno su konstatirali da predstavka nije u nadležnosti Nezavisne komisije te da se podnosilac putem e-maila uputi na nadležno tijelo.

c) Odgovor na molbu/predstavku broj: 05/6-50-17-1513/18 od 28. 6. 2018.

Predsjednik Nezavisne komisije Mile Lasić istakao je da je, u skladu sa zaključkom Nezavisne komisije s prošle sjednice, Vedad Gurda, član Nezavisne komisije, pripremio odgovor podnosiocu molbe/predstavke, broj: 05/6-50-17-1513/18 od 28. 6. 2018, te otvorio raspravu. Nakon rasprave, članovi Nezavisne komisije jednoglasno su usvojili tekst odgovora koji će biti prosljeđen podnosiocu molbe/predstavke.

Predsjednik Nezavisne komisije Mile Lasić zaključio je sjednicu u 19.10 sati.

SEKRETARKA

NEZAVISNE KOMISIJE

Ivana Lovrić

PREDSJEDNIK

NEZAVISNE KOMISIJE

Dr. sc. Mile Lasić